

Remitido

Maneho di Reunion di Parlamento

Henry M. Robert III, cu a skirbi e buki Robert's Rules of Order", a bisa: "Where there is no law, but every man does, what is right in his own eyes, there is the least of real liberty".

Presidente di Parlamento ta expresa cu respet bo ta haya na cas. Den cual e tin rason. Sin embargo e ta insulta su mayornan ora e ta bisa esaki. Pasobra locual e ta demostra den parlamento no ta locual e a haya na cas.

E mesun presidente di par-

lamento aki tabata e ministro cu a institui y funda Parlamento Hubenil. Segun e ministro aki e prome asunto cu un miembro hoben nobo mester siña ta maneho di reunion (Vergadertechniek of Parliamentary Procedure). Esaki ta pone claramente den e "Adviesnota di Oprichting Jeugdparlement". E hobennan mester a siña e principionan basico di maneho di reunion esta: (*) Husticia y cortesia pa un y tur. (*) Mayoria ta dicidi. (*) E mi-

noria tin derecho di worde scucha. (*) Atende un asunto so pareu. (*) Cada proposicion tin derecho di worde debati completo y libremente. (*) E opinion di cada persona mester worde respeta. (*) E deseonan di e individual mester worde converti den e unidad, e organizacion of asamblea, e meta ta pa facilita accion no pa obstrui.

Con e hobennan cu mester ta e futuro lidernan por siña di un actitud asina di un presidente di parlamento? Y

pa colmo ta biaha cu nan den reunion di parlamentonan hubenil di reino di Hulanda. Aparentemente e presidente cu tabata e ministro en cuestion no a sigui e curso aki su mes.

Awor tene reunion den comisionnan special pa haci eficiencia, ta funciona den compania y organizacionnan grandi pa prepara pa hamerstukken y cumpli cu e statutonan di e compania y organizacionnan. Y comisionnan menciona ta haya

nan papelejo cu hopi tempo den anticipacion pa prepara y haci cambionan. E participantenan na e reunion ey ta haya tur proposicionnan y alternativanan pa tuma nan decision na interes di e compania of organizacion.

Reunionnan di parlamento ta e unico luga unda pueblo di Aruba ta haya sabi con gobierno ta haya su entradanan y kico e gastonan ta. Ey nan gobierno mester responsabilisa su mes. Y segun nos constitucion Parlamento ta e organo mas halto di nos pais. Bo por papia di eficiencia den e reunion pa duna e pueblo e informacion cu e pueblo tin derechonan riba dje den un forma eficiente y conciso.

Esey ta sin permiti politiek-eria y practicando e principionan basico menciona ariba. Encuanto e ministronan cu ta worde yama na parlamento pa rendi cuenta riba fondonan di Aruba. E ministro ta un huesped di parlamento y mester comporta su mes tambe como tal. E mester respeta tur parlamentario y mester mantene su mes na e reglamento di orden di parlamento. Un ministro no tin inmunidad parlamentario den Parlamento. Segun e Constitucion (grondwet) di Reino Hulandes un parlamentario so tin inmunidad parlamentario durante reunion di parlamento pa actonan penal.

Kier men cu e no por worde aresta durante un reunion di parlamento. E hurisprudencia di esaki ta e caso di e ministro cu a ofende e pastoor Parlamentario den parlamento y a haya un sentencia pa paga daño di perhuicio na e pastoor.

E presidente ta haya un marti pa e dirigi e reunion y pa hala atencion. Su reglamento di orden ta duna e arma pa coregi un otro parlamentario riba su comportacion y uzo di palabra den reunion. Un president mester ta imparcial. Y ta impedi di demostra su antipatia of disgusto pa un otro parlamentario. E no mester lubida cu e parlamentario ey ta representa un parti di pueblo cu su votonan. Su bo tin repugna contra e parlamentario ey ta contra un parti di pueblo e repugna ey ta. E presidente mester ta consciente ta kico ta su funcion. Si bo lesa e Reglamento di orden di Parlamento un biaha no kier men cu bo conoce mesora. E experiencia bo ta gana door di practica y no di lesa. Robert's Rules of order mes ta bisa bo pa uza bo (common sense) bo sentido comun y sano huicio.

Tito Sapuana.